

IN INCLITA UNIVERSITATE LUDOVICO-MAXIMILIANEA MONACENSI

RECTORE MAGNIFICO VIRO EXCELLENTISSIMO  
BERNARDO HUBER  
RERUM POLITICARUM DOCTORE  
RERUM AD REDITUS PUBLICOS PERTINENTIUM PROFESSORE ORDINARIO  
SPECTATISSIMUS VIR  
ANDREAS HOEFELE  
FACULTATIS PHILOSOPHIAE HOC TEMPORE DECANUS

ILLUSTRISSIMAE FEMINAE

**CATHARINAE FABRICIUS-HANSEN**  
OSLOENSI

GERMANICAE LINGVAE IN UNIVERSITATE OSLOENSI PROFESTRICI  
PRAEMIO QUOD A IACOBO GULIELMOQUE GRIMM FRATRIBUS  
ET PRAEMIO QUOD A CONRADO DUDEN NOMEN DUCIT MANHEMENSI  
ET PRAEMIO QUOD FUNDATIO NANSEN EIS CONSTITUIT  
QUI RERUM CAUSAS PRIMAS EXQUIRUNT  
MERITO EXORNATAE  
ET ACADEMIAE SCIENTIARUM NORVEGICAE  
ET REGIAE SOCIETATIS SCIENTIARUM NORVEGICAE NIDROSIENSIS SOCIAE

QUAE CUM IN LINGVAE GERMANICAE TEMPORA MODOSQUE TAM DILIGENTER INQUISIVISSET  
UT ET IPSA MULTA INVENIRET ET ALIIS NOVAS AD INVESTIGANDUM VIAS APERIRET  
ET CUM LEGES SYNTACTICAS SEMANTICASQUE LINGVAE GERMANICAE  
ORATIONISQUE PROSAE NORVEGICAE NORMAS LUCIDISSIME DESCRIPSISSET  
FUNDAMENTA STABILISSIMA IECIT  
UT HAS LINGUAS VIA AC RATIONE CERTA INTER SE COMPARARE POSSET

QUAE NON SOLUM ID DICENDI GENUS  
QUO VIRI DOCTI GERMANI IN ARTIBUS DISCIPLINISQUE UTI SOLENT  
ACCURATISSIME EXPLORAVIT ET EXPLICAVIT  
SED ETIAM UT USUS LINGVAE GERMANICAE IN RE PUBLICA LITTERATORUM RETINEATUR  
COPIOSIS GRAVIBUSQUE SEMPER VERBIS MONET

QUAE INTER GRAMMATICOS QUI NUNC UBIQUE GERMANICAE LINGVAE STUDENT  
PRINCIPEM QUENDAM LOCUM SIBI VINDICAT  
CUM OMNIUM POPULORUM VIRIS FEMINISQUE DOCTIS ADMIRATIONI SIT  
PROPTER EGREGIAM DOCTRINAM ET HUMANITATEM  
QUA BONAS ARTES QUALES IN EUROPA A MAIORIBUS ACCEPIMUS  
PROFITETUR ATQUE AUGET

HUIC MULIERI DOCTISSIMAE HUMANISSIMAE  
COMMODORUM HUMANI GENERIS SEMPER STUDIOSISSIMAE

**DOCTRICIS PHILOSOPHIAE GRADUM HONORIS CAUSA**

EX UNANIMI ORDINIS PHILOSOPHORUM DECRETO CONTULIT

IN HUIUS REI TESTIMONIUM HOC PUBLICUM DIPLOMA  
SIGILLO MAIORE UNIVERSITATIS ADIECTO  
FACULTATIS DECANUS ATQUE RECTOR UNIVERSITATIS IPSI SUBSCRIPSERUNT

MONACHII DIE XXI MENSIS IUNII ANNO DOMINI MMVII